




宋本吳郡志十一題名吳階必尚有和孫等六人



吳郡志卷八

上海圖書館藏

吳郡 范成大撰

古蹟

吳城事具城郭門

石室在常熟縣海隅山石室凡十所相傳太公避紂居之孟子太公避紂居東海之濱常熟去海近或是

言偃宅蘇州記云在常熟縣西史記云言偃吳人也吳地志云宅有井井邊有洗衣石周四

尺皆其故物輿地志云梁蕭正德爲郡太守
將石去莫知所在

丁令威宅在陽山文殊法海寺有煉丹井存焉
號令威井

射臺華池南城宮姑蘇臺鮎山鷗陂游臺石城
長洲林園石龍以上悉吳闔廬故跡吳越春
秋云闔廬旣立夫差爲太子使將兵屯守而
自治宮室立射臺於安平里華池在平昌南
城宮在長樂里闔閭出入游臥秋冬治於城

中春夏治於城外姑蘇之臺旦食鮎山晝游
蘇臺射於鷗陂馳於游臺興樂石城走犬長
洲焉越絕書云石城者闔廬所置美人離城
也吳地記云石城吳王離宮越王獻西施於
此城又云林園在華林里石龍在
壇里里
在烏鵲橋東皆闔閭作

流盃在女墳湖西百五十步闔閭三月三日泛
舟遊之今基隍猶存

吳地記

秦餘杭山卽今陽山越破吳夫差遁去晝馳夜

走三日三夕達於秦餘杭山餒甚顧得生稻而食之伏北而飲水焉

吳越春秋

夷亭闔閭十年東夷侵逼吳境下營於此因名

之吳地記

酒城在壇城邊夫差祭子胥處臨祭勸酒因名焉城中有石子

走狗塘吳王作

干隧越王以散卒三千擒夫差於干隧在吳縣西北史記正義干隧出葉安山西南一里

戰國

策史記正義

姑蘇臺在姑蘇山舊圖經云在吳縣西三十里

續圖經云三十五里一名姑蘇一名姑餘史

記正義云在吳縣西南三十里橫山西北麓

姑蘇山上山水記云闔閭作春秋遊焉又云

夫差作臺三年不成積材五年乃成造九曲

路高見三百里勾踐欲伐吳於是作柵楣嬰

以白璧鏤以黃金狀如龍蛇獻吳王吳王大

悅受以起此臺越絕書云闔廬造九曲路以

遊姑胥之臺柵楣之義未詳此楣所謂神木一雙大二十圍長五十尋者吳王將起臺子胥諫曰王旣變禹之功而高高下下以罷民於姑蘇吳民離矣弗聽洞冥記云吳王夫差築姑蘇之臺三年乃成周旋詰屈橫亘五里崇飾土木殫耗人力宮妓千人臺上別立春宵宮爲長夜之飲造千石酒鍾又作天池池中造青龍舟舟中盛致妓樂日與西施爲嬉又於宮中作海靈館館娃閣銅溝玉檻宮之

楹榱皆珠玉飾之吳地記云闔閭十一年起臺於姑蘇山因山爲名西南去國三十五里夫差復高而飾之越伐吳焚之又云闔閭十年築經五年始成高三百丈望見三百里造曲路以登臨吳王春夏遊姑蘇臺秋冬遊館娃宮興樂華池南城之宮又獵於長洲之苑太史公云余登姑蘇望五湖案五湖去此臺尚二十餘里越絕書云夫差伐齊越范蠡洩庸帥師屯海道江以絕吳路敗太子友遂入

吳國燒姑胥臺徙其夫舟續圖經考之傳記
謂闔廬食不二味居不重席器不雕鏤宮室
不觀舟車不飾而吳越春秋言闔廬晝游蘇
臺蓋此臺始基於闔廬而成於夫差庶可以
合傳記之說云唐任公叔登姑蘇臺賦司馬
穴之遺跡紀吳國之舊軌乃憮然而喜曰登
此姑蘇之墟淹留今躊躇感斯宇之基為沼
而仲雍之祀忽諸我聞周道既衰諸侯狎主
中無霸王蠻戎振旅始闔閭以信威繼夫差
以極武斜與勁越同壤右積如莽而暴骨亦有
高臺之築外有遠略之勤駭板築未弭方五
如讎而視人是以疆場日駭累上以臺高宛
載而厥成造中而特起因累上以臺高宛

岳立而山峙或比象於巫廬之峰或倒影於
滄浪之水悉人之力以為美觀厚人之澤以
為侈靡斯實累卵於九層夫何見乎三百里
野語有之曰川擁則潰月盈而仄善敗由已
吉凶何常矧謀主之賜劔若涉川兮無梁以
為棲越以求霸卒見秦吳而受殃客自南鄆
觀於江濱徘徊而參雲聽逆虐而翳試遊目於
廓曾群是歸然放曠平湖決滌奕奕孤嶼茫茫
而為群高天曠平湖決滌奕奕孤嶼茫茫
極浦悲早鴈於海嘯高鷗於江雨况復關
梁坐隔羈旅增愁山木將落汀葭亂秋思美
人兮子胥何為懷直道而驟遭重昏之見
危將漁父以抗迹且垂釣於江湄高臺既傾
夕露沾衣感蒞國之不及冀萊人之與歸者
也崔鶡姑蘇臺賦崔子勤學少間與客游於
橫山之下有臺歸然出於群山荒基峻級高
切雲間荆棘為之蒙翳麋鹿為之徊環余語
諸客此何所也客曰子不聞吳都之壯麗乎

造姑蘇之高臺臨四遠而特建此其遺址也
余乃倚杖而高立喟然而嘆曰蓋聞吳王之築
斯臺也受鄰越之貢竭全吳之力千夫吟苑
萬人道泣三年而聚材五年而自立佩茂苑
於長洲帶濬池以朝夕自以爲天下之奇觀
也而今安在哉榼白璧之楣龍蛇刻畫燦燦
生輝而絕嶺快四
哉於退睹南望洞庭夫椒之所也北望靈巖
名銷夏灣者吳王避暑採香者吳之別館
娃之宮廊曰響屧徑曰採香者吳之別館
子之遺蹤也其東吳城射臺巍巍其西胥山
九曲之達至於樂有城玩華有池走犬有
塘蓄雞有陂猶不興樂以充其欲也又斯臺
以爲娛嬉嗚呼池之漸也瑶臺作而墟之幾
層百仞者汗池之漸也瑶臺作而墟之幾
考而商危章華成而楚衆叛阿房出而秦人
離斯喪亂之必然曷吳王之不思也哉方其

酌綠鄴賦珍蓋置酒若淮泗積肴如山丘其
宴樂固極矣而不知會稽之上飲食嘗瞻方
焦思而深謀旁籠西山俯視太湖憑高望遠
三枚什鼓忽潛軍而夜濟是築未乾而浦僅
銜枚而越來之溪已逼高下之築未乾而浦
通而越來之溪已逼高下之築未乾而浦僅
之城已距於赤矣往來之遊矣悠哉蒼煙竟
客悵然曰已矣乎古往今來之遊矣悠哉蒼煙竟
今滿目舊事兮飛灰幸江山之不改今後之
人當有鑑於遺臺陳羽憶昔吳王爭霸日歌
謠滿路李蘇臺三千宮女看花處人靜臺空
花自開李蘇臺三千宮女看花處人靜臺空
歌高唱不勝春只今唯有西江月曾照吳王
宮裏人曹鄴吳宮酒未消又宴姑蘇臺美人
和淚去半夜閶門開相對正歌舞笑中聞鼓
輦星散九重門血流相對正歌舞笑中聞鼓
盡人不回時聞野田中拾得黃金釵李紳雜
句序臺今遺跡連接靈巖寺採香徑響屧廊

皆在寺內越王獻吳王黃金鏤楣吳王所造
姑蘇臺因獻楣遂以黃金盡飾以破其國詩
云越王巧破夫差國來獻黃金重雕刻西施
醉舞花艷傾妒月嬌娥恣妖惑姑蘇百尺曉
鋪開樓楣盡化黃金管咽歡未極越
師戈甲浮江來伍胥抉目看吳滅范蠡全身
霸西越寂寞掩禪扉秋草荒涼徧落暉江浦
靈巖香徑掩禪扉秋草荒涼徧落暉江浦
看鷗鳥沒碧峰斜見鷺鷥飛如今白髮星星
滿却作閑官不閑散野寺經過懼悔尤公程
迫蹙悲秋館吳鄉越國舊淹留草樹煙霞昔
徧游雲外夢魂多感歎不惟惆悵到長洲羅
隱讓高太伯開基日賢見延陵復命時未會
子孫因底事解崇臺榭為西施劉駕句踐飲
瞻日吳酒香滿杯笙歌入海雲聲自姑蘇來
西施舞初罷侍兒整金釵衆女不敢妒自比
泉下泥越鼓聲騰騰吳天隔塵埃將甬東
地更學會稽栖霸跡一朝盡草中棠梨開劉

禹錫故國荒臺在前臨震澤波綺羅隨世盡
麋鹿占時多築用金鎚力摧因石鼠窠昔年
彫輦路唯有採樵歌楊備山花野草一荒丘
雲裏驕奢舊跡留珠翠管絃人不見上頭麋
鹿至今遊

春宵宮

天池

海雲館

館娃閣

銅溝玉檻

並見上

館娃宮吳越春秋吳地記皆云閶闔城西有山

號硯石山山在吳縣西三十里上有館娃宮

又方言曰吳有館娃宮今靈巖寺即其地也

山有琴臺西施洞硯池翫花池山前有採香

徑皆宮之故跡唐殷堯藩吳宮詩吳王愛歌

和塵掃翠鈿徒令勾踐霸不信心子胥賢莫問

長洲草荒涼無限年李嘉祐傷吳中館娃宮

中春已歸闔閭城頭鶯已飛復見花開人又

老橫塘寂寂柳依依憶昔吳王在宮闕館娃

賣眼看花發舞袖朝歡陌上春歌聲夜怨江

邊月古來人事亦猶今莫厭清觴與綠琴獨

向西山聊一笑白雲芳草自知心李紳江雲

斷續草綿連雲隔秋波草覆煙飄雪荻花鋪

漲渚變霜楓葉卷平田雀愁化水喧斜日鴻

怨驚風叫暮天因問館娃何所恨破吳紅臉

尚開蓮皮日休懷古艷骨已成蘭麝土宮墻

依舊壓層崖弩臺雨壞逢金鏃香逕泥銷露

玉釵硯沼祗雷溪鳥浴屨廊空信野花埋姑

蘇麋鹿真閑事須為當時一愴懷皮日休綺

閣飄香下太湖亂兵侵曉上姑蘇越王大

堪羞處祗把西施賺得吳陸龜蒙三千雖衣

水犀珠半夜夫差國暗屠猶有美

美人皆二八獨教西子占亡吳

西施洞在靈巖山之腰山即館娃宮所在故西

施洞在焉徐夤勾踐進西施賦

國兮以妖以艷當勾踐之心兮惟巧惟僭

亡而固存尊則謂明而反昏鳥喙之年誓啄

夫差之肉稽山日惟聽范蠡之言曰伍

貞之賢東吳之德伯嚭之佞東吳之賊德之

計機謀偶得欲狂敵國之君須中傾城之色
待其聲色內伐君臣外或自然紂已以亡
宗晉驪姬而亂國今苧蘿之山越水之灣恐
是神仙之化忽生桃李之顏波淺丹臉鴉深
綠鬟翠黛兮慘難效浣輕紗兮妖且閑揚
柳羞弱芙蓉死殷可以變柳惠於嚴莊之際
悅荆王於魂夢之間臣請進焉王今何以
乃豁若而喜矍然而起曰此蓋神假卿之碩
畫人雪越之前恥乃命寶馬騰龍香車輾風
迎織女於銀漢娉姮娥於月宮炫耀雲外喧
闐洞中粧成而瑞玉凝彩服麗而朝霞剪紅
昨日猶賤今長不疑期大國之君流恩下
及堪恨鄰家之婦謂妾常窮曉別越溪暮歸
吳苑越慮計失吳嫌進晚歌一曉聲兮君魄醉
笑百媚今君心蹇坐令佞口因珠翠以興言
立遣謀臣并洪濤而不返勾踐乃走電驅雷
星馳箭催投醪而士卒皆醉嘗膽而胃襟洞
開虎噬骨碎山崩卵摧楚腰衛鬢化為鬼鳳

閣龍樓燒作灰於是命屠蘇之酒上姑蘇之
臺伊霸業以何在俄英風而聿來於戲殺忠
賢而受佳麗欲不敗而難哉

吳王郊臺在橫山東麓下臨石湖壇壝之形儼
然相傳吳僭王時或曾祀帝也

吳王井在靈巖山腰大石泓也相傳為吳王避

暑處詳見靈巖山條楊備詩石甃遺蹤傍古

人照面金釵落曾見越溪紅粉來

響屨廊在靈巖山寺相傳吳王令西施輩步屨
廊虛而響故名今寺中以圓照塔前小斜廊

爲之白樂天亦名鳴屨廊

王禹偁廊壞空留響屨名爲因西子

遶廊行可憐伍相終屍諫誰記當時曳履聲

楊備步步香翻羅鞵塵粉紅花艷滿宮春傾

梧桐園在吳宮本吳王夫差園也一名琴川語

云梧桐宮秋吳王愁

採香逕在香山之傍小溪也吳王種香於香山

使美人泛舟於溪以採香今自靈巖山望之

一水直如矢故俗又名箭涇

楊備館娃南面卽香山画舸爭

浮日往還翠蓋風翻紅袖影芙蓉一路照波間

香水溪在吳故宮中俗云西施浴處人呼爲脂

粉塘吳王宮人濯粧於此溪上源至今馨香

古詩云安得香水泉濯郎衣上塵

長洲在姑蘇南太湖北岼闔閭所遊獵處也吳

主遣徐詳至魏魏太祖謂詳曰孤比老願越

橫江之津與孫將軍遊姑蘇之上獵長洲之

苑吾志足矣詳對曰大王欲奉至順以合諸

侯若越橫江而遊姑蘇是踵亡秦而躡夫差

恐天下之事去矣太祖笑曰徐生得無逆詐

耶吳地記

長洲苑舊經云在縣西南七十里孟康曰以江水洲為苑韋昭云長洲在吳東枚乘說吳王
鼻云漢修治上林雜以離宮佳麗玩好園守禽獸不如長洲之苑則知劉鼻時嗣葺吳苑其盛尚如此
孫述長洲苑吳苑校獵吳王初軍容茂苑來山從列陣轉江自遠村回劍騎緣汀入旌門隔嶼開合離紛若電馳逐隘成雷勝地虞人守歸舟漢女陪可憐夷漫處猶在洞庭隈山靜吟猿父城空應雉媒戎行委喬木馬跡盡黃埃攬涕問遺老繁華安在哉

越城在胥門外越伐吳吳王在姑蘇越築此城以逼之城堞鬣鬣具在高者猶丈餘闕亦三丈而幅員不甚廣史記正義吳東門解引吳俗傳云子胥亡後越從松江北開渠至橫山東北築城伐吳據此文即今越城正是舊蹟詳見石湖門

越來溪在越城東南與石湖通溪流貫行春及越溪二橋以入橫塘清澈可鑒越兵自此溪來入吳故以名史記正義越自松江北開渠

至橫山東北入吳卽此溪來讀曰釐吳音也
魚城在越來溪西吳王游姑蘇築此城以養魚

吳地記

苦酒城在魚城之西南有故城長老云築以釀

酒今俗人呼爲苦酒城

吳地記

鴨城在匠門外吳王築以養鴨

吳地記

雞陂在婁門外吳王養雞城也又名雞陂墟

南武城在海渚闔閭所築以禦見伐之師

吳地記

吳小城白門闔閭所作秦始皇帝時守宮吏燭

燕窟失火燒宮而門樓尚存

虞氏家記

美女宮夫差所作土城周五百九十步勾踐所

進美女西施鄭旦之宮室也

越絕書

吳宮鄉在吳江縣甫里之地在今長洲東南五

十里相傳吳王別宮然舉無舊跡矣陸龜蒙

嘗作問吳宮辭

蠡口在齊門之北又有蠡塘在婁門之東相傳

鴟夷子乘扁舟下五湖潛過此以出招大夫

種因以名之

楊備霸越勳名間世才五湖煙浪一帆開猶防烏喙傷同輩此

地復招
文種回

用音祿頭卽漢用里在洞庭山村漢用里先生所

居史記正義太湖中洞庭山西南中號祿里

村卽此用里今有巡檢司號用頭巡檢俗或

作用字史記正義

黃堂事具官舍門

吳郡志卷八終

吳郡志卷九

吳郡 范成大 撰

古蹟

死亭灣在閶門外七里漢朱買臣妻恥而自縊處也

毛公壇卽毛公壇福地在洞庭山中漢劉根得

道處也根旣仙身生綠毛人或見之故名毛

公今有石壇在觀傍猶漢物也白居易詩毛

閑得道何年去不還千載鶴翎歸碧落五湖
空鎮萬重山皮日休却上南山路松竹儼

如廡松根礙幽逕屏顏不能斧擺屢跨亂雲
側巾蹲怪樹三休且半日始到毛公塢兩水
合一澗深崖却為浦相敵百千戟共搗十萬
鼓噴散日月精射破神仙府唯愁絕地脉又
恐折天柱一窺耳目眩再聽毛髮豎次到鍊
丹井井幹翳宿莽下有藥剛丹勺之百疾愈
凝於白懶髓湛似桐馬乳黃露醒齒牙碧粘
甘肺腑檜異松復怪枯疎互撐柱乾蛟一粘
丈驍然半一天舞下蘇古補壇洗方不盈畝當
時雲龍篆忽忽祥煙聚我愛周息元忽起應
仙禽來忽忽祥煙聚我愛周息元忽起應明
主禍讎忽忽祥煙聚我愛周息元忽起應明
不幸斯人復覩如來迴頭唾珪組伊余何腐
將山待夸娥以肉投他年終結宇敢道萬石
已與午茲地足靈境陸龜蒙古有韓終道授
君輕於一絲縷碧鳳皇羽披輕韓終道授
之劉先身如碧鳳皇羽披輕韓終道授
驅役臣伏甲與丁勢可倒五岳不唯鞭群靈

飄飄駕翔螭白日朝太清空遺古壇在稠疊
煙蘿屏遠懷步罡夕列宿森然明四角鎮露
獸三層差羽嬰迴眸眇爾來向千祀雲嶠空
外真既感區中道俄成爾來向千祀雲嶠空
崢嶸石上橘花落石根瑶草青時祀雲嶠空
此外無人行我訪岑寂境自言齋戒精如鹿
君安死姪君魂魄猶羶腥有笈皆綠字有芝
皆紫莖相將望瀛島浩蕩凌滄溟

石射朔在石城山有石鼓鼓鳴卽有兵山有石

馬望如人騎

東城崑山古圖經云縣故有城在縣東三百步
今縣東猶謂之東城頭近歲耕者於東寺之
後多得古城磚及銅箭鏃

神運殿基卽崑山慧聚寺殿事具慧聚寺門
龍柱崑山慧聚寺殿柱也梁張僧繇画龍其上
其後數出在江湖中僧繇又画鏤鏤之唐會
昌中廢佛寺柱畱入郡中寺復郡以柱還寺
橫閣於殿東間楣上余猶及見之淳熙中寺
火柱亦隨燼
烏夜村晉穆帝后何淮女寓居縣南產后於此
將產之夕有群烏夜驚於聚落爾後烏更鳴
衆共異之及明大赦

北禪院晉戴顓舊宅後爲唐司勳陸郎中宅皮
陸北禪聯句云歛蒸何處避來入戴顓宅龜
蒙又有遊北禪詩云居士祗今開梵處先生
曾是草從從云堂

支遁菴在南峰古號支硎山晉高僧支遁嘗居
此剡山爲龕甚寬敞相傳有村婦生子於中
菴頂遂中裂道林又嘗放鶴於此今有亭基
道林喜養駿馬今有白馬磡云飲馬處也菴
傍石上有馬足四云是道林飛步馬跡也

放鶴亭

見上

白馬礪

見上

馬跡石

見上

般若臺在吳縣西二里晉穆侯何準捨宅置東

北角有般若橋時人呼作朱明寺橋是也

吳地

記

金昌亭在昌門宋少帝景平二年廢爲營陽王
幽于吳郡徐羨之等使邢安泰弒帝于金昌
亭帝有勇力不卽受制突走出昌門追以門

關踣之此云走出昌門則亭尚在城中陸龜
蒙又謂梁鴻墓在金昌亭下一里又似在城
外恐在今城有少遷徙耳

梁雙殿在虎丘寺大殿前二小殿相對最爲古
跡淳熙中有僧庸凡而好修造始盡毀之好
事者至今以爲恨錢氏廣陵王在姑蘇不喜
追遊不事園苑惟每遊虎丘山寺前路引望
則喜動顏色比至山必規畫修繕今寺多其
經意處也

越公井今在治平寺前山岡上徑一丈八尺石欄如屏繞之上有刻字多不可辨又有唐廣明元年僧茂軋述大唐楞伽殿後重修吳朝大井記略云惟茲巨井吳誌坐當橫山良位越來溪西百步隋開皇十年越國公楊素築城創斯井焉時屯師孔多日飲萬人邇來三百餘年邑則可改其道不革按此卽是楊素井蓋素旣平陳嘗遷吳郡於山下至今謂之新郭茂軋修井記題首乃云吳朝大井蓋傳

襲之誤僧輩不能辨也楞伽寺今名寶積寺與治平爲鄰又知古只一寺井正在楞伽殿後也井記又云寺初於乾元元年

白公檜唐白樂天手植在州宅後池光亭前水中政和初已槁瘁高不滿二丈後爲朱冲取獻京師死道中乃以他檜易之禁中初不知也今池中復植一株

石林避暑錄

虎丘寺古杉在殿前相傳爲晉王珉所植唐末猶在形狀甚怪不可圖画皮日休稱其死奇

節不知雨露之可生卽是時已枯日休詩曰
種日應逢晉枯來必自隋陸龜蒙亦曰後凋
依佛氏初植必僧彌寺蓋王氏別墅僧彌珉
小字也

臨頓舊爲吳中勝地陸龜蒙居之不出郭郭曠
若郊墅今城東北有臨頓橋皮陸皆有詩

休一方蕭灑地之子獨深居遠屋親栽竹堆
牀手寫書高風翔砌鳥暴雨失池魚暗識歸
山計村邊買鹿車○籬疎從綠權簷亂任黃
茅壁酒移溪石煎茶拾野巢靜窓懸雨笠閑
壁上挂煙匏支遁今無骨誰爲世外交○繭
初上簇醅盡未乾牀盡日畱蠶母移時祭麴

王趨泉澆竹急候雨種蓮忙更葺園中景應
爲顧辟彊○靜僻無人到幽深每自知鶴來
添口數琴到益家資壞壑生魚沫顏落燕
兒空將綠蕉葉來往寄閑詩○夏過無擔石
日高開板扉僧雖與筒簟人不上月向夕鶴靜
共眠覺鷺馴同釣歸生公石上月向夕鶴靜
微○經歲峴鳥紗讀書三公石上月向夕鶴靜
蛛網○上衰花詩任傳漁客衣從遞酒家知君
秋晚事白憤刈胡麻○寂歷秋懷動蕭條夏
思殘久貧空酒庫多病束漁竿從遞酒家知君
扇清齋一拂鹿冠夢魂無俗事夜到金壇○鶴
閉門無倚杉閑把易燒術靜論翹以飢鶴庭陰○
落病蟬倚寄紫泉○易病起扶靈壽條然強到
山客時時除敗葉爲石整危根薜蔓狂遮壁蓮
門與杉除敗葉爲石整危根薜蔓狂遮壁蓮
莖臥枕盆明朝有忙事召客斲桐孫○緩頰
稱無利低眉號不忙世事都大薄俗意就中
憎雲態不知驟鶴情非會徵画臣誰奉詔來

此寫姜肱陸龜蒙近來唯樂靜移傍故城居
閑打修琴料時封謝藥書夜停江上烏晴曬
篋中魚出亦曷何事無勞置棧車○倚人醫
病樹看僕補衡茅散髮還同阮無心敢慕巢
簡便書露竹樽待破霜匏日好林間坐煙蘿
僅欲交○倭僧留海紙山匠製雲牀懶外應
無敵貧中秋計菱絲一畝強○思喜花盡蝶情忙
欲問新秋計菱絲一畝強○思喜花盡蝶情忙
路竟誰知祇有經時策全無養拙資病深憐
灸客炊晚信樵兒謾欲陳風俗周官未採詩
○福地能容壑縱以關詎有屏靜思瓊板字
閑洗鐵筇衣鳥破涼煙下人衝暮雨歸故園
秋草夢猶記綠微微○水影沈魚器鄰聲動
緯車燕輕梢墜葉蜂懶臥焦花說桑麻○諸
論兵到百家明時如不用歸去種桑麻○諸
穴奇編缺雷平異境殘靜吟封籙檢歸興削
帆竿白石堪為飯青蘿好作冠幾時當斗柄
同帆竿白石堪為飯青蘿好作冠幾時當斗柄

階來鬪雀移樹去驚蟬莫問鹽車駿誰看宦
覬縱仕黃金如可化相近買雲泉○野入青
蕪巷陂侵白竹門風高開栗刺沙淺露芹根
迸鼠緣藤桁飢鳥立石盆東吳雖不改誰是
武王孫○疎慵真素時勢盡無能風月雖
為敵林泉幸未憎酒材經夏闕詩債待秋徵
祇有君同癖
閑來對曲肱
從從寺藥圃唐末僧元達年逾八十好種名

藥凡所植者多致自天台四明包山句曲叢
萃紛糅各可指名皮日休嘗訪之而題詩曰

休雨篠煙鋤偃僂費紺牙紅甲兩三畦藥名
却笑桐君少年紀翻嫌竹祖低白石靜敲蒸
木火清泉閑洗種花泥怪來昨日休持鉢一
尺彫胡似掌齊○香蔓蒙籠覆若邪檜煙杉

露濕架裝石盆換水撈松葉竹徑遷牀避笋
牙藜杖移時挑細藥銅餅盡日灌幽花支公
謾道憐神駿不
及今朝種一麻

忠國師庵基在穹窿山絕頂疊石宛然唐顧在

鎔畱題在光福山寺墨跡尚存詩云蒼島孤

天高塔勢翻空煙凝遠岫列寒翠霜染疎林
墜碎紅溪渚式樓彭澤鴈樓臺深貯洞庭風
六時金磬落何處
徧傍葦叢驚釣翁

虞山今為海巫山山即巫咸山所出

李後主題額在崑山惠聚寺大殿前二樓曰經

臺鍾臺淳熙中寺焚無遺跡矣

柳毅井在洞庭東山道側按小說載毅傳書事

或以謂是岳之洞庭湖以其說有橘社故議

者又以為即此洞庭山爾

蔡經宅在朱明寺西事具神仙
門吳地記

吳國古館三曰昇月曰烏鵲曰江風昇月在帶

城橋東烏鵲在烏鵲橋今為營寨江風在渴

烏巷又新館二曰通波曰全吳吳地
記又續圖

經載舊傳古館八曰全吳通波龍門臨頓烏

鵲昇羽江風夷亭云昇月疑即昇羽今此亭

尚存

洗馬池在府學之南

楊備一牽來種是龍臨深欲下更嘶風金鞍玉勒

拋何處騰踏渥洼寒影中

吳郡志卷九

終

吳郡志卷十

封爵

吳郡 范成大撰

吳孫策漢建安二年自騎都尉襲爵烏程侯既

破陳瑀曹操表策為討逆將軍改封吳侯吳書

晉吳敬王晏太康十年受封食丹陽吳興并吳

三郡

成帝咸和元年十月封皇弟岳為吳王

慕容垂皝第五子雋僭位封垂吳王

後周尉遲綱武成元年進封吳國公歷位少傅
大司空

陳後主第十子藩封吳郡王

唐武德三年以和州總管東南道行臺尚書令
楚王杜伏威為使持節江淮以南諸軍事楊
州刺史東南道行臺尚書令淮南安撫使封

吳王賜姓李氏

唐太宗正觀十年子恪封吳王

唐天祐元年詔錢鏐落起復進封吳王
吳越備史

本朝大中祥符九年拜參知政事丁謂平江軍
節度使知昇州謂郡人建節本鎮一時為榮

真宗皇帝賜以御製詩尤為盛事詳具謂

跋中御製賜平江軍節度使丁謂詩序

於報功言當入謝之辰特賜褒賢之作今成

七言四韻詩一首賜新授蘇州節度使丁謂

依韻和進詩云懿辭碩畫播朝中造膝詢謀

禮遇豐文石延登彰順美高牙前導表疇庸

書生仗鉞今尤貴舊里分符古罕逢畫錦買
臣安敢比黃樞早日接從容謂次韻和進云
白麻初降紫宸中簪組相驚帝澤豐驟陟將
壇知運偶久塵台席愧材庸桑榆便覺人問
別旌戰猶疑夢裏逢已都城聳榮觀更頌
天唱耀戎容又賜御詩序卿名藩出莅雖極

於倚毗文陛言辭良多於眷注特示寵行之
什用增方面之榮今成五言十韻詩一寵
蘇州節度使丁謂依韻和進詩云踐歷首
著諮詢業務必成懿才符曩彥佳器貫時
展經綸業旋陞輔弼榮嘉亨忻盛遇盡
純誠均逸明恩洽疇勞茂典行白麻三
紅旆九衢平輟凝嚴任尤增倚注情擁
辭帝闕頓轡望都城風景高秋月煙波
程竊想卿懷感意常是夢神京謂次韻和
叨竊逢嘉會孤單荷曲成高車陪上宰密
効忠謹誓明誠方良官篋侍從榮勤劬期
恩心易感戀聖意難平未副宵衣念寧安
錦情搖搖千里棹眷眷九重城茜旆輝登
瓊章耀去程子牟牽望處金闕玉為京
云臣謂材無取聲猷不揚徒以遭遇盛
忝昌榮寵掌邦計參國政一紀于茲贊
相盛則百禮斯舉位重逾量恩深積憂蓋
早儀

負官箴久妨賢路或驟授物論則大辜聖
優退是希陳露未暇去秋九月甲辰忽奉
制命遙登將壇進崇秩於上公建高牙於
里君親奇遇臣子殊榮授命之建高牙於
天語撫勞睿旨溫密至感戀且泣對
一曰復對於宣和門賜辭於長春殿賜
四韻詩一首十韻詩一首皆俾和進丹文
製寵行五言十韻詩一首皆俾和進丹文
字親奉於紫清雲笈芝函頒流於衡泌
聳觀油素騰芳壁日九華但播首以拭目
絃六變罄方輿而悅心期大播於玉音
刊於金字蘇臺粵壤鍾阜大名區並謹歲
昭盛美推誠保德翊戴元阜名區並謹歲
十六日推誠保德翊戴元阜名區並謹歲
檢太尉使持節蘇州諸軍事蘇州刺史充
平江軍節度使蘇州諸軍事蘇州刺史充
等使知昇州軍事兼御史大夫上柱國濟
陽郡開國公食邑三千五百戶食實封一
千

二百戶
臣丁謂

牧守

吳郡地重舊矣守郡者非名人不敢當晉吳郡
太守與會稽吳興三郡爲真二千石嘗欲以黃
門侍郎郗愔爲吳郡守愔自以資望少不宜超
莅大郡乃改臨海蘇峻平將以孔坦爲吳郡自
陳吳多賢豪而坦年少未宜領之亦改吳興蕭
子範爲蔡令撰辭吳郡表略云全吳奧區地迫
都輦譬彼西京則扶風馮翊方之洛下則潁川
河內自非時雨之政解繩之才寧可奉共理之

言承河潤之旨白樂天少時嘗言異日首獲蘇
杭一郡足矣後三十七年始佩蘇印又謂豈始
望及此吳郡太守爲古今貴重於此可以槩見
漢末分吳會時但稱會稽太守後漢始有吳郡
太守晉時有吳國則曰吳國內史或曰郡守唐
號蘇州刺史或稱吳郡太守或兼江東採訪使
或稱吳郡採訪使今採撫諸史及他記載中顯
有名稱者立牧守條 本朝稱知蘇州今稱知
平江府事具題名記

前漢朱買臣吳郡人武帝時爲會稽太守治
是東越數反覆買臣因言故東越王
居泉山一人守險千人不得上今聞南徙
五百里大澤中今發兵浮海直指泉山列
兵席卷可破滅也乃拜買臣會稽太守帝
謂買臣曰富貴不歸故鄉如衣繡夜行今
子如何詔買臣到郡治樓船備糧食水戰
具須詔書軍到與俱進初買臣昔嘗從會
稽守邸者寄居飯食及爲太守衣故衣懷

其印綬步歸郡邸直會稽上計吏等群飲
買臣入室中守邸與共食少見其綬守邸
怪之前引其綬視其印會稽太守章也驚
出語上計掾吏皆醉大呼曰妄誕耳其故
人素輕買臣者入視之還走疾呼曰實然
坐中驚駭白守丞推排陳列中庭拜謁買
臣徐出戶有頃長安廐吏乘駟馬車來迎
買臣遂乘傳去居歲餘受詔將兵與橫海
將軍韓說等俱擊破東越有功徵入爲主

爵都尉列於九卿焉

後漢尹興爲吳郡太守楚王英陰疏天下名
士有興名

陳瑀以安東將軍行吳郡太守受詔與孫策
同討袁術將併圖策屯於海西爲策所破

江表傳

許貢爲吳郡太守時孫策方起貢上表漢帝
謂策驍雄類項籍宜以貴寵召還若寘於
外必爲世患策候吏得表以示策策遂殺

貢貢小子與客亡匿江邊策單騎出貢客擊傷策策病創死

盛憲器量雄偉遷吳郡太守以病去官孫策

憂憲不免與曹公

書徵為騎都尉制命未至為權所害會稽典錄

僮和後漢為吳郡太守

吳太史亨慈之子歷尚書吳郡太守吳書一名高

謝勗吳郡太守與兄承並知名

滕從亂有節操自丹陽徙吳郡太守每聽訟

察言觀色務盡情理人有窮冤對之流涕

晉譙敬王恬忠正有幹局在朝憚之補吳國

內史

司馬允之恬之子為吳國內史拒庾楷斬其

將段方為亘元所害

沈充車騎將軍吳國內史見沈演之傳

傅咸為吳郡內史吳郡顧榮與親故書曰傅

長虞勁直忠果雖非周才亦足貴也

王恬導之子少好武晚節更好士起為後將

軍轉吳國內史

王洽導諸子中最知名爲吳國內史召拜領軍尋加中書令固辭不受有清裁之稱

王珣洽之子爲吳國內史在郡爲士庶所悅王劭導之子有風操爲吳國內史子默亦繼父官

王薈導之子爲吳國內史年饑人多餓死薈以倉米作餽粥以啗餓者所濟活甚衆召爲中領軍復爲吳國內史

王謐劭之子少有美譽自侍中拜吳國內史未至郡畱爲中書令

袁山松博學有文章爲吳郡太守時孫恩作亂山松守滬瀆城城陷被害

魏詠之好學不倦亘元篡位協贊義謀義熙初進征虜將軍爲吳國內史

顏含含操行以孝聞除吳郡太守王導問含曰卿今莅名郡政將何先荅曰王師歲動編戶虛耗南北權豪競招游食國弊家豐

執事之憂且當悉化勢門使反田桑數年之間欲令戶給人足如其禮樂俟之明宰舍所歷簡而有恩明而能斷然以威御下導歎曰顏公在事吳人斂手矣

鄧攸清和平簡方正寡欲爲吳郡太守載米之郡俸祿無所受唯飲吳水而已時郡中大饑攸奏賑貸未報乃輒開倉救之郡政清明百姓歡悅爲中興良守後稱疾去職郡常有送迎錢數百萬不受一錢百姓數

千人牽攸船不得進攸乃小停夜中發去吳人歌之曰紆如打五鼓雞鳴天欲曙鄧侯挽不畱謝令推不去百姓詣臺乞畱一歲不聽

郗鑒討賊帥劉徵加都督吳郡諸軍事刁彝協之子斬讎人黨以祭父墓由是知名歷吳國內史

殷祐爲吳郡內史上牋論顧榮功高贈典不稱榮由是贈侍中驃騎將軍開府儀同三

司

江灌少知名才識亞於道自尚書中護軍爲
吳郡太守加秩中二千石未拜卒

劉牢之當孫恩之亂吳郡內史亘謙棄郡走
牢之都督吳郡諸軍事恩破吳國殺內史
袁山松牢之使參軍劉裕討平之

張茂有志行爲鄉里所敬信補吳國內史沈
充之亂遇害少嘗夢得大象以問占夢曰
君當得大郡而不善也象大獸獸守也故

知當得大郡然象以齒焚果如其言

賀循字彥先操尚高厲童齒不群言行進止
必以禮讓不汙陳敏之亂敏破除吳國內
史不就元帝爲安東將軍復上循爲吳國
內史循作吳郡初不出門吳中強宗輕之
乃題府門會稽雞不能啼賀聞故出行至
門反顧索筆答之云不可啼殺吳兒於是
至諸屯及邸閣檢校諸顧陸使官兵及藏
逋亡悉以事言上罹罪者衆陸托時爲江

陵郡都督故下自請孫皓然後得釋

出世說

顧祕吳國內史唱義傳檄以討李辰石冰之亂

應詹性質素弘雅以學藝文章稱由後軍將軍出補吳國內史

庾冰亮之弟以雅素垂風自司徒右長史出補吳國內史蘇峻反遣兵攻冰冰不能禦奔會稽率眾進擊峻兵乘勝赴京都封新吳縣侯固辭不受

庾羲亮之子少有時譽初爲吳國內史時穆帝頗愛文義羲至郡獻詩頗存諷諫

庾希冰之子自侍中出爲輔國將軍吳國內史後死於亘溫之刑

蔡謨當蘇峻反時吳國內史庾冰出奔會稽乃以謨爲吳國內史謨旣至與張闓顧眾顧颺等共起義兵迎冰還郡峻平復爲侍中

亘檀詳正有望補吳國內史

王愷爲侍中多所獻替出爲吳國內史

荀蕤山松之子有儀操風望除建威將軍吳

國內史

荀羨蕤之弟資稟逸群清和有準遷吳國內
史

王允之舒之子蘇峻之亂督護吳郡義興晉
陵三郡征討軍事破賊韓晃於長塘賊平
以功封彭澤縣侯

王侃少歷顯職位至吳國內史

虞譚清正有檢操始爲吳興太守蘇峻反加
譚督三吳晉陵宣城義興五郡軍事峻平
轉鎮軍將軍吳國內史徙會稽未發還復
吳郡時軍荒之後百姓饑饉死亡塗地譚
乃出倉米賑救又修滬瀆壘以防海抄百
姓賴之子嘯父隆安初爲吳國內史兄驥
之子谷亦位至吳國內史

樂謨廣之子南渡江爲征虜將軍吳國內史
張敞郡人巨元篡位敞爲尚書以答事忤元

敞表獻忠款事平爲吳郡太守事見南史
敞子邵傳而子裕傳乃云爲吳國內史敞
子孫至宋齊之後益昌爲吳大家云

宋劉損字子騫元嘉中爲吳郡太守至閶門
便入太伯廟室宇頽毀垣墻不脩損愴然
曰清塵尚可髣髴衡宇一何摧頽卽令脩
葺

王琨廉約忠實立朝強正爲吳郡太守遷中
領軍坐在郡用朝舍錢餉二宮諸王及作

絳襖奉獻軍用左遷光祿大夫

袁珣爲吳郡太守諡曰貞珣弟子粲舊名愍
孫幼孤好學有清才隨珣在郡擁弊裘讀
書足不踰戶有欲與珣子顓婚珣曰顓不
堪政可與愍孫婚耳

張永廢帝時自侍中領安成王師出爲吳郡
太守事具人物門

張岱永弟齊建元初爲吳郡太守高帝手敕
加護軍以家爲府事具人物門

張緒元徽中自侍中爲吳郡太守事具人物門

張懷宋昇明中以誅劉遐授吳郡太守封義城侯齊明帝時復爲太守以拒王敬則懷事具人物門

顧琛吳人孝建初爲吳郡太守以起義功封永新縣五等侯廢帝卽位爲吳郡太守

王曇生大明中爲吳郡太守又見顧琛傳顧覲之吳人爲吳郡太守不低意於幸臣蔡

興宗嫌其風節過峻事見人物門

羊

從上

保歷吳郡太守文帝以

從上

保廉素

寡欲故頻授名郡爲政雖無殊績而去後常必見思

柳世隆字彥緒爲吳郡太守居母憂寒不衣絮

王僧達爲吳郡太守

王慈字伯寶少有內潤之稱歷吳郡太守

王誕字茂世爲宋武帝太尉長史帝甚仗之

復爲吳國內史母憂去職

江夷字茂遠宋初歷吳郡太守營陽王於吳縣見害夷臨哭盡禮以兄疾去官歷任以和簡稱

王思遠爲吳郡丞行郡事時稱得人詳見官吏門

褚淵字彥回宋明帝時歷侍中爲吳郡太守帝寢疾殆馳使召之託以後事受顧命輔幼主

褚澄字彥道彥回弟尚宋廬江公主歷官清顯尤善醫術建元中爲吳郡太守百姓李道念以公事到郡澄謂曰汝有重疾答曰病冷五年澄爲診脉曰汝病非冷非熱當是食白淪雞子過多所致令取蘇一升煮服之始一服乃吐出一物如升涎裏之動開看是雞雛羽翅爪距具足能行走澄曰此未盡更服所餘藥又吐得如向者雞十三頭而病都差當時稱妙

張充自尚書僕射出爲吳郡太守下車恤貧老故舊莫不欣悅事具人物門

宗室安陸昭王紉字景業仕宋爲吳郡太守政有能名竟陵王子良與之書曰竊承下風數十年來姑蘇未有此政武帝嘉其能累遷官

宗室南康縣侯子恪字景冲有文學建武中爲吳郡太守大司馬王敬則反於會稽以奉子恪爲名子恪逃之梁大通二年復爲

吳郡太守卒

江敷字叔文有風格不降意權倖歷吳郡太守

何叔度尚之之父義熙中爲吳郡太守太保王弘每稱其清身潔已

謝舉字言揚與兄覽齊名江淹目爲二龍大同三年爲吳郡太守先是何敬容居郡有美績世稱何吳郡及舉爲政聲跡略相比嘗要何徵君講中論何難以巾褐入南門

乃從東門進致詩往復爲武丘山賦題于寺

王規字威明神峰標映時稱俊人爲吳郡太守簡文帝爲作謝章曰駕吉祥之車入句吳之地驅緹扇之馬撫奉德之鄉製錦何階焚絲方始主書芮珍宗家在吳前守宰皆傾意附之珍宗假還規遇之甚薄俄召爲左戶尚書郡境千餘人詣闕請畱表三奏不許求於郡立碑許之

袁君正字世忠美風儀早得時譽爲吳郡太守侯景亂率所領赴援君正當官有名稱君正子憲字德章朝野嚴憚詳練朝章遷吳郡太守以父任固辭改授南康內史李元履幼有操業甚閑政體仕梁爲吳郡太守

宗室南浦侯推字智進清敏好屬文歷吳郡太守所臨必早吳人號早母然侯景之亂握節死之

宗室南海王大臨大寶元年除吳郡太守時
張彪起義會稽或勸大臨投之大臨曰彪
若成功不藉我力如其撓敗以我說焉不
往二年遇害

吳郡志卷十終

吳郡志卷十一

吳郡 范成大撰

牧守 題名

牧守

江革字休映自都官尚書監吳郡荒歲盜掠
公行郡唯有公給仗具二十人人民匈懼
革至郡又省游軍尉百姓愈恐革廣施
恩惠盜賊靜息

何敬容爲吳郡太守爲政勤恤民隱辯訟如

神視事四年治爲天下第一吏民詣闕
請樹碑詔許之

袁昂天監十一年以吳郡太守爲兼尚書

梁王僧智僧辯之弟爲吳郡太守陳霸先殺
僧辯僧智據城拒守霸先遣將軍裴忌
攻之僧智奔吳興

裴忌旣逐王僧智陳霸先以爲吳郡太守

陳裴忌字無畏聰敏有識量初武帝誅王僧
辯僧辯弟僧智舉兵據吳郡帝命忌勒

精兵自錢塘直趣吳郡夜至城下鼓譟
薄之僧智疑大軍至輕舟奔杜龕帝嘉
之表授吳郡太守

宗室晉安王伯恭字肅之爲吳郡太守時年
十餘歲留心政事官曹緝理

沈君理字仲倫爲吳郡太守時兵革未寧百
姓荒弊君理總集士卒修飾器械深以
幹理見稱

宗室永陽王伯智天嘉中爲吳郡太守聞陸

慶之名欲見不可往慶宗人陸榮宅穿
壁觀之其好賢如此案南史儒林傳末
附載陸慶事但稱永陽王無名檢永陽
王伯智傳少敦厚有器局博涉經史疑
卽其人第傳不載其爲吳郡蓋疏畧矣
宗室衡陽王伯信守吳郡舉孝廉伯信本傳
不著

隋皇甫績字功明陳平爲蘇州刺史高智惠
等作亂與績相持八旬績擊破之

劉權字世畧開皇中爲蘇州刺史時江南初
平物情尚擾權撫以恩信甚得民和

唐馮袞牧蘇州郡政優游暇日輒縱飲博因
會賓僚擲盧馮大勝以所得均遺一座
乃吟曰八尺臺盤照面新千金一擲鬪
精神合是賭時須賭取不妨回首乞閑
人唐郡守縱放如此出杼情詩

韋應物貞元初爲蘇州刺史工詩世號韋蘇
州唐史不爲立傳識者恨焉詳見辯證

門并白居易吳郡詩石記論韋事爲確
于頔字允文德宗時爲蘇州刺史罷淫祠濬
溝澮端路衢爲政有績然暴橫少恩嘗
爲觀察使所劾

范傳正字西老爲蘇州刺史有殊政進拜宣
歙觀察使在劉禹錫後

張搏自湖州刺史移蘇州辟陸龜蒙以自佐
種木蘭於木蘭堂下

崔璞咸通中以司諫爲郡有文采風流與郡

中秀才相從有詩詞卽命僚屬及名士
賡和其去郡皮陸皆有和篇有露濃春
後澤霜薄霽來威之句蓋恩威兩全之

政

松陵集

白居易字樂天穆宗時以太子左庶子分司
東都拜蘇州刺史病免居易爲郡時多
燕遊嘗攜蟬滿容點茶十妓夜遊西武
丘山又賦紀遊詩云領郡時將久遊山
數幾何一年十二度非少亦非多

劉禹錫字夢得裴度薦爲禮部郎中集賢直
學士出爲蘇州刺史

王■張有德楊志梁知微陰崇劉微江東採

趙居貞比部郎中段同泰畢炕兵部員外郎

許韶伯

右皆蘇州刺史

狄兼謨文宗時自鄭州刺史改蘇州以治最

擢給事中

盧商字爲臣爲蘇州刺史吏以鹽法求贏貲

民愈困商令計口售無常額人便之歲
貲返增宰相上其勞進浙西觀察使遂
相

陸亘歷蘇州刺史以善政稱事具人物門

盧簡求景龍中爲蘇州刺史事見觀音院記

王仲舒字弘中自婺州刺史徙蘇州隄松江

爲路變屋瓦絕火災賦調常與民爲期

不擾自辦穆宗每言仲舒之文最宜爲

誥有古風召爲中書舍人

王成自信州刺史有政績詔書褒美徙蘇州
楊發為蘇州刺史治以恭長慈幼為先以能
政聞餘見雜志門

崔稜字德長為蘇州刺史性介潔矜已之清
視賊負者如仇奏課第一遷湖南觀察使

唐有李丹宗瓊李希言

兼採訪使

裴澄蕭誼

職方郎中江東採訪使

錢鏐字具美龍紀開平之間以兵平定蘇州
景福元年以鏐為蘇杭等州觀察使奏

置州縣及割嘉興縣為秀州

後梁曹圭少有膽氣事錢鏐梁開平中任蘇
州刺史淮人圍之急正月望夜圭張宴
族人師魯宅盛陳燈火令賊俘縱觀淮
人讐焉卒於官子仲達為吳越國相周
顯德三年會王師攻江南命王從兄知
中吳節度事文奉為水陸應援諸軍都
統使于本州以備徵發

唐成及字弘濟吳越錢氏時為蘇州刺史乾

寧中楊行密攻之常熟鎮將陸郢等以城應賊及被執行密閱其府庫惟圖書藥物心敬重之與歸淮南將以爲行軍司馬及辭曰及以百口託錢塘姑蘇城陷不能引決以至于此豈可以本道符節易富貴於鄰境願以此身贖百口之命引佩刀將自刺行密遽起持之厚爲禮而歸之鏐迎勞郊外把袂而泣終彰義軍節度使

孫承祐事錢氏 本朝開寶八年改蘇州中吳軍爲平江軍以承祐爲節度使賞從征之勞也承祐仕錢氏時嘗應王師征李煜破毗陵太平興國三年錢氏納土徙爲兗州泰寧軍節度使

吳越錢元璪字德輝鏐第四子儀狀瑰傑梁淳化三年以功遷蘇州刺史累授中吳建武軍節度蘇常潤三州團練使加檢校太師守太傅同平章事侍中中書舍

人彭城郡王治蘇三十年儉約鎮靖郡政循理弟元瓘襲位元瓘觀之宴宮中元瓘起壽曰先王之位兄宜當之俾小子至是皆兄推戴之力元瓘俯伏曰王功德高茂先王擇賢而立敢忘忠順因相顧感泣兄弟訖無間言晉天福七年

詔封廣陵郡王

九國志吳越備史

錢文奉元瓘之子善騎射能上馬運槊涉獵經史精音律圖緯醫藥鞠弈之藝皆冠

絕一時初以父蔭爲蘇州都指揮使遷節度副使元瓘卒代知蘇州中吳軍節度使有鑒裁禮下賢能士負才藝者多依之作南園東莊爲吳中之勝東莊一名東墅多聚法書名畫寶玩雅器號稱好事又與賓僚共采史籍著資談三十卷行於世嘗問命於天台僧德韶韶曰明公年已八十一至六十一歲以開寶二年八月十一日卒

九國志吳越備史

鞠真卿所至有威名知蘇州政事無它施設
而人自憚之庭訟寂然每平明視事自
無來者真卿即歸休客至多不及見後
自兗州貶南安軍道過蘇郡人相戒不
敢過其泊舟處五日左右不聞人聲其
見憚如此林希逸史
章岵元豐中以朝議大夫守郡剛介不可屈
人目之曰章硬頸其子出入以皂絹爲
繖二人肩輿

本朝牧守題名

吳郡 范成大撰

題名

吳郡自古皆名人爲守既畧編敘見牧守門
本朝郡將則題名石具焉中更兵燼石久不存
紹興十五年王喚始追輯自至道年陳省華
始而石林先生葉夢得爲之記今錄葉記於注
下而列題名於後平江吳故都控帶楚越形勢
風物自爲一都會本朝命
守多一時聞人今寶文閣直學士王公顯道
由工部侍郎來鎮適當兵火擾攘之後前此

臨治者類急於招集流亡撫綏彫瘵未暇盡
舉其相與奉承維持輔成永世之業實化行四
內之政於是凡閭里疾苦朝聞夕行異時調
一方董振之不秩秩有已取於民皆罷之未
不給或秩秩不加序蠹弊剗革幽枉宣達府
有餘積而斂之不序益修城池興學校嚴舍
館以待賓旅嘗領是邦至郡以無事伯祖高
太師景德中道百餘年間嘉祐中伯祖高
復繼之績顯人道士大夫以爲美談郡舊有
三皆有名績在人後迭代序次惟謹故於燬
守題名不先後乃更伐石追修故事以遺燼
道訪之文於余以識其始惟善惡之在天
者而求欺也未嘗無公論然必待父而在
固不可欺也未嘗無公論然必待父而在
定彼翁翁徇俗掠取須臾之譽與所設而
未定彼翁翁徇俗掠取須臾之譽與所設而

則昭然如黑之與白其誰敢誣今郡爲題
記所在而豈是表姓氏紀歲月而已哉抑
善者失傳猶未泯吾得以考其不善者推
所遺方幽遠之邦各使如在其輦而况其
雖遐乃爲之書且以塗之於輦而况其
者乎乃爲之書且以塗之於輦而况其
焉紹興十五年十月望日觀文殿學士左
大夫人提舉臨安府洞霄宮葉夢得記并
陳省華朝散大夫行在尚書吏部員外郎
魏庠諫議大夫

王贊尚書司封員外郎
梅詢朝散大夫太常丞直集賢院
裴莊以留題虎丘詩云咸平元年
魏庠諫議大夫
陳省華朝散大夫行在尚書吏部員外郎
大夫人提舉臨安府洞霄宮葉夢得記并書

曾致堯 尚書吏部員外郎

秦羲 崇儀使 大中祥符

黃震 承奉郎 守尚書屯田員外郎 題名無今吳江縣學記修入

陳靖 尚書刑部郎中 直史館

康孝基 朝奉大夫 行尚書都官員外郎 禧元四年四月

孫冕 太中大夫 行書禮部郎中 直史館

葉叅 朝散大夫 尚書刑部郎中 虎丘雲巖寺 記云天聖二年六月題名云寶元誤

范仲淹 朝散大夫 員外郎 天章閣待制

蔣堂 朝奉郎 尚書吏部員外郎 景祐四年六月

張億 朝散大夫 尚書刑部員外郎 直史館 景祐

富嚴 左朝散大夫 守尚書刑部郎中 試祕書監 康定

邵飾 尚書考功郎中 慶曆

梅摯 尚書戶部員外郎 慶曆

趙槩 尚書刑部郎中 尚書

蔣堂 樞密直學士 左諫議大夫 皇祐

王琪 尚書度支員外郎 龍圖閣待制 皇祐二年

呂居簡 虎丘留題詩刻云光祿卿 至和三年

唐詢 嘉祐

王琪 尚書工部郎中知制誥

蔡抗 嘉祐

鞠真卿 嘉祐

陳經 朝奉郎守尚書祠部郎中

滕甫 龍圖閣學士右光祿大夫

沈扶 尚書金部員外郎

孫覺 右司諫

張詵 熙寧 正議大夫給事中充集賢殿修撰

程師孟 熙寧 正議大夫給事中充集賢殿修撰

王誨 熙寧 朝散大夫尚書司勳郎中

唐詔 熙寧

韓朴 熙寧九年 尚書度支郎中

范諤 熙寧 左朝奉大夫

韓鐸 熙寧 尚書度支郎中

楊景畧 元豐 元豐 朝請大夫尚書司封員外郎

晏知止 元豐 朝請大夫

劉淑 元豐 朝請大夫

章岵 元豐五年 朝議大夫

林希 朝散郎充集賢殿修撰

劉定 朝散大夫

王覲 承議郎直龍圖閣

黃履 左朝請郎充天章閣待制

吳居厚 左朝奉郎

蔣之翰 右朝散大夫

賈青 朝散大夫

王子京 承議郎充祕閣校理

陳師錫 承議郎充祕閣校理

張公庠 中散大夫

豐稷 樞密直學士建中靖國元年知越州

吳伯舉 朝奉郎直祕閣崇寧二年

宇文昌齡 寶文閣待制崇寧元年知越州

林邵 顯謨閣直學士朝議大夫

董誥 朝散大夫直祕閣

張恕 朝散大夫

邵龔 朝散大夫直龍圖閣

蔡渭 朝散大夫

郭茂恂 朝請大夫直龍圖閣

蹇序辰 中大夫充龍圖閣待制崇寧五年正月

許光疑 通直郎知衢州崇寧五年十月到

孫傑 朝請郎直龍圖閣

吳拭 朝奉郎大觀二年五月到

李孝壽 朝請郎大觀三年八月到四年三月降

王詔 朝請大夫充集賢殿修撰

馬防 朝請大夫復集賢殿修撰

盛章 朝請郎充顯謨閣待制

董正封 朝散大夫充集賢殿修撰

盛章 顯謨閣直學士朝散大夫

宋康年 中奉大夫

莊徽 中大夫充徽猷閣待制

應安道 徽猷閣直學士通議大夫

賈誼 太中大夫充徽猷閣待制

樓昇 徽猷閣直學士朝請大夫

胡直孺 中奉大夫充祕閣修撰

李倫宣顯和閣直學士朝散大夫

王靚靖通議大夫充徽猷閣待制

鄭滋朝奉大夫充徽猷閣待制靖康元年七月罷

趙岍中散大夫

孫覲承議郎充徽猷閣待制

湯東野徽猷閣直學士中大夫

孫覲龍圖閣直學士朝奉郎

李邴資政殿學士中大夫

湯東野徽猷閣直學士中大夫

胡松年起復朝請郎直龍圖閣建炎四年閏四月罷

李彌大顯謨閣直學士建炎四年閏四月罷

席益左朝奉郎充集英殿修撰紹興二年閏四月罷

李擢左朝請郎充徽猷閣待制紹興二年閏四月罷

宋伯友左朝請郎充徽猷閣待制紹興二年閏四月罷

孫佑右朝請郎直秘閣紹興二年閏四月罷

趙子晝徽猷閣直學士紹興二年閏四月罷

李光顯謨閣直學士紹興二年閏四月罷

張守資政殿大學士紹興五年七月罷

章誼 龍圖閣學士左通議大夫紹興六年

梁汝嘉 寶文閣直學士右朝散大夫知紹興七年

向子諲 徽猷閣直學士右朝請大夫致仕紹興七年

歐陽懋 右中奉大夫充徽猷閣待制紹興九年

趙霈 徽猷閣直學士左朝議大夫知紹興九年

梁汝嘉 寶文閣直學士右朝散大夫知紹興九年

張宗元 寶文閣直學士左朝議大夫知紹興十年

周葵 左承議郎直學士紹興十年

王喚 寶文閣直學士右通奉大夫紹興十四年

鄭滋 顯謨閣直學士左太中大夫紹興十七年

俞俟 敷文閣直學士右中大夫紹興十八年

王昫 右奉直大夫紹興十九年

周三畏 右朝請大夫充敷文閣待制紹興十九年

徐琛 右中奉大夫充敷文閣待制紹興二十年

李朝正 左朝請郎紹興二十三年

吳郡卷十一

十六

湯鵬舉

左中大夫直龍圖閣紹興

王會

敷文閣學士右朝奉大夫紹興

孟忠厚

少師保寧軍節度使信安郡王紹興

蔣璨

右中大夫充集英殿修撰紹興

陳正同

右朝奉郎充敷文閣待制紹興

朱翌

左朝奉大夫充祕閣修撰紹興

洪遵

徽猷閣直學士左朝請郎紹興

沈介

左朝奉大夫充祕閣修撰紹興

陳之茂

左朝散郎直祕閣紹興

張孝祥

左承議郎充集殿修撰隆興

陳漢

右中奉大夫直敷文閣隆興

虞允文

顯謨閣學士左朝請大夫隆興

沈度

右朝散大夫直祕閣隆興

沈介 顯道 二年閏七月 直學士 左朝請大夫 乾

姚憲 右朝散郎 直學士 閣乾道三年五月 特轉朝請郎

徐嘉 左中大夫 充敷文閣待制 乾道五年四月 除徽

汪應辰 江州太平興國宮 奉大夫 乾道六年五月

魏杞 觀文殿學士 左宣奉大夫 乾道六年五月

向洵 右朝議大夫 直徽猷閣 乾道八年

丘密 左承議郎 直學士 閣乾道八年七月 差主管台

方滋 敷文閣直學士 左太中大夫 乾道九年五月

馬希言 朝散大夫 直學士 閣乾道九年

韓彥古 朝奉大夫 直學士 閣乾道九年七月 到

莫漳 承議郎 直學士 閣乾道九年

韓彥古 起復朝奉大夫 充秘閣待制 熙二年

陳峴

一朝散大夫直敷文閣淳熙二年八月到十

單夔

月朝奉大夫充敷文閣待制淳熙五年九月

司馬伋

月中奉大夫充敷文閣待制淳熙六年四月

王佐

月朝請大夫充顯謨閣待制淳熙六年十一月

韓彥質

月朝請大夫充祕閣修撰淳熙七年十二月

耿秉

九降授奉議郎直祕閣兩浙運判兼權淳熙

謝師稷

朝散大夫集英殿修撰淳熙十年十月

丘密

一朝散大夫直徽猷閣淳熙十年

何萬

朝奉大夫淳熙十年

王希呂

龍圖閣學士中大夫淳熙十年

趙彥操

月朝議大夫充祕閣修撰淳熙十四年八月

袁說友

三轉月中奉大夫充祕閣修撰知鎮江府元

沈揆

中大夫祕閣修撰紹熙二年

王尚之 朝奉大夫直龍圖閣紹熙

雷浚 朝散大夫直煥章閣紹熙四年七月到五

王漑 朝散大夫直秘閣紹熙五年十一月到慶

鄭若容 朝散大夫直秘閣慶元二年十一月到

虞儔 朝散大夫直煥章閣慶元二年十一月到

劉誠之 朝奉大夫直秘閣慶元四年六月到八

趙不艱 朝散大夫直秘閣慶元五年六月到六

張抑 朝散大夫直顯謨閣再任嘉泰二年三月到當

張巖 資政殿學士直顯謨閣再任嘉泰二年三月到

李大性 寶謨閣直學士太中大夫嘉泰四年七月

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

張澤 朝奉大夫直顯謨閣再任嘉泰二年三月到

沈作賓

中大夫龍圖閣待制開禧二年十一月

林采

通議大夫充寶謨閣待制開禧三年四月

李大異

朝奉大夫節制嘉定元年四月

趙希懌

朝奉郎龍圖閣待制嘉定三年四月

陳芾

朝散郎兩浙西路提點刑獄公事嘉定五年

沈皞

奉直大夫祕閣修撰嘉定七年九月二十

趙彥櫛

朝請大夫集英殿修撰嘉定十年六月

李大性

端明殿學士正奉大夫嘉定十二年西

綦奎

朝散郎直敷文閣嘉定十二年二月

至當年五月除主官
遇受寶轉朝散大夫過滿勾祠
虜委有勞績特轉朝奉大夫應
湖廣總領調遣軍馬五關策應
九日到嘉定十四年六月準
告昨任

趙汝述

華文閣直學士正議大夫嘉定十五年

沈皞

太中大夫直學士致仕除徽

王元春

中大夫右文殿修撰寶慶元年六月

章良朋

朝奉大夫直寶閣紹定元年七月

林介

寶慶三年四月以提刑兼權紹定元年七月再兼權

李壽朋

朝請大夫直寶閣紹定元年十二月

朱在

朝議大夫寶謨閣待制紹定二年十一月

吳淵

宣教郎直煥章閣紹定三年二月

鄒應博

朝奉大夫新除直秘閣紹定四年九月

楊燁

徽猷閣學士正奉大夫紹定六年三月

聖旨依所乞提舉隆宮

趙立夫

中大夫新除祕閣修撰浙西提刑端平三年三月兼知府事當年八月廿六日

張嗣古

中大夫右文殿修撰端平元年十月二日任

王遂

朝置副使兼知成都府端平三年四月十二日

吳潛

朝請大夫新除工部侍郎嘉熙元年八月

史宅之

朝議大夫依舊徽猷閣待制改知平江府兼浙西提舉嘉熙二年閏四月六日

趙與憲

中奉大夫直敷文閣知平江府兼浙西兩淮發運副使嘉熙三年四月十日

史宅之

煥章閣直學士太中大夫知平江府節制許浦水軍兼浙西兩淮發運副使

年三月置和糴淳祐元

陳塏

西中大夫右文殿修撰知平江府兼兩淮浙

魏峻

浙朝散大夫集英殿修撰知平江府兼兩淮

徐鹿卿

御筆召赴行在五月十三日準
年四月召赴行在五月十三日準
司職事五月十一日到任交割府事七
軍淳祐六年閏四月二十八日發運
淮浙西發運副使節制許浦都統司水
朝奉大夫右文殿修撰知平江府兼兩
御筆除刑部侍郎轉中大夫三月中奉
六年又議大章閣待制賜帶八月中奉
轉朝議大章閣待制賜帶八月中奉
筆除寶章閣待制賜帶八月中奉
經筵徹章轉朝請大夫五年四月以
祐四年運副使節制許浦都統司水
西發運副使節制許浦都統司水

吳淵

兼龍圖閣學士太中大夫浙西兩淮發運使
告磨勘轉朝散大夫當月十六日
御筆除權兵部侍郎
知平江府事兼管內勸農使節制許
浦都統司水軍宣城縣開

吳郡志卷第十一

終

風韻後章毛魯許正
重刊于虞山汲古閣

吳郡志卷十二

官吏

官吏

祠廟

吳郡

范

成大

撰

後漢彭修會稽人爲吳郡功曹時西部都尉宰
晁行太守事以微過收吳縣獄吏將殺之主
簿鍾離意爭諫甚切晁怒使收縛意修排闥
直入拜於廷曰明府發雷霆於主簿請聞其
過晁曰受教三日初不奉行廢命不忠豈非

過耶修因拜曰咎任座面折文侯朱雲三攀
毀欄檻自非賢君焉得忠臣遂原意貸獄吏
意亦以是得名

尹興爲吳郡太守楚王英陰結天下名士興在
錄中英敗明帝徵興及掾史五百餘人詣廷
尉考治門下掾陸續主簿梁宏功曹史駟勲
備受五毒終無異辭續母自吳來雒陽作食
饋續續雖見考辭色未嘗變而對食悲泣不
自勝治獄使者問其故續曰母來不得見故

悲問何以知之續曰母截肉未嘗不方斷葱
以寸爲度故知之使者以狀聞上乃赦興等
吳孟仁字恭武江夏人爲吳令時不得將家之
官每得時物必以寄母常不先食及聞母亡

犯禁棄官

吳志

宋江徽爲吳令元凶殺徐湛以黨與併被害
王逡之字宣約少禮學博聞仕爲吳令
齊江介謚之子建武中爲吳令政深苛人門榜
髑髏爲謚首介棄官去

齊周洽洲南人歷吳令廉約無私卒無以殯斂
齊傅翮琰子爲官有能名爲吳令別建康令孫
廉廉問翮曰聞丈人發姦擿伏惠化如神何
以至此答曰無他也惟勤而清清則憲網自
行勤則事無不理憲網行則吏不能欺事理
則物無凝滯翮父珪爲縣竝著奇績時云諸
傳有理縣譜父子相傳靳以示人
王思遠立身簡潔王子貞爲吳郡除思遠吳郡
丞以本官行郡事論者以爲得人

梁沈浚字叔源涉學有才幹仕梁爲吳令有能
名

陸蒙事梁爲吳令節操甚高

唐鄭渾之咸通末爲蘇州督郵談銖爲鹺院官

鍾福爲院巡 [REDACTED] 時湖州牧李起及趙

蒙俱狀元人語曰湖接兩頭蘇聯三尾 嵐齋錄

唐孟庭份郊之父庭份爲崑山尉生郊以詩名

世或云份亦能詩

武平一 從士 宗時自考功員外郎貶蘇州叅軍

雖被謫而名不衰

劉綺莊爲崑山尉研窮古今博考傳記作類書一百卷號崑山編至今傳於世

韋至誠吳縣尉

蕭存字伯誠穎士子亮直有父風能文辭浙西觀察使李栖筠表爲常熟主簿

皮日休字襲美咸通十年爲郡從事居官纔一月著書號鹿門子

丁陳范謝皆錢元璪及子文奉爲中吳軍節度

使時爲節度推官四人俱以長者稱丁名守節晉公謂之祖陳名贊明之奇之祖范名夢齡文正公仲淹之曾祖謝名崇禮太子賓客濤之父

邊倣雍熙初爲崑山令因舊址新作夫子廟自是縣學始興繼以王禹偁爲作記記具縣學條

王禹偁太平興國九年以大理評事知長洲縣雍熙四年召赴闕入朝爲名臣今虎丘寺有

元之祠堂刊東坡讚於其上

張文定公安道景祐中爲崑山令時吳越歸國未久前此豪民占田無限歲遠多訟有數十年不決者公召問所輸租稅幾何大率百纜一二乃悉收其羨田以賦貧民訟亦息時蔣希魯侍郎守郡得公所著菑蕘論上之遂舉賢良方正科

韓正彥字師德魏公之姪嘉祐中爲崑山令荆石堤疏斗門作塘七十里以達于郡得膏腴

田數百萬頃又請以輸州之賦十三萬從便輸於縣鳩作塘餘材爲倉廩以儲之民大悅比去遮道以留爲立生祠作思韓記鑿石祠下

章岷字伯鎮嘗爲平江軍推官有文聲范文正公有和章從事鬪茶歌及同登承天寺竹閣詩

賈公望字表之嘗爲郡通判時朱勔父子鼎盛奔競者爭趨其門公望疾之有詩云倏忽向

六十萍蓬無奈何丹心猶奮迅白首分蹉跎
正直士流少傾邪朋類多陽光一銷鑠不復
見妖魔劬之子賜金帶公望亦衣三品服偶
以朝拜會天慶觀中朱從者見公望所佩魚
睨而視之公望厲聲叱之曰此是年及得來
非緣花石左右皆錯愕朱大銜之竟擠之罷
去

寇國寶徐州人從陳無已學嘗爲吳縣主簿賦
詩爲左丞葉夢得所喜詳見雜志門

祠廟

至德廟卽秦伯廟東漢永興二年郡守麋豹建
於閭門外辨疑志載吳閭門外有秦伯廟廟
東又有一宅祀秦伯長子三郎吳越錢武肅
王始徙之城中纂異記又云吳秦伯廟在閭
門西皮日休詩云一廟爭祠兩讓君蓋併祠
仲雍舊矣今廟在閭門內東行半里餘門有
大橋號至德橋乾道元年郡守沈度重建

修廟記云在禮祭法聖王之制祭祀其法五
其人之應法者十有四皆古大聖賢有大功

烈於民者非此族也宜不在祀典夫以大聖賢
有又厚烈而祀之固其不然祀有祈焉其施於
民獨牲牢酒醴而巳千祀之邦必祠所社道
稷則壇先哲則有廟後世於廟尤極其尊
嚴崇像設儼侍衛見之者應如也水潦必祈
早曠必祈皆長吏之常事應而報亦事之
常儻入其門陟其堂神所馮依曾不報亦事之
風雨區區樽罍篚簋何施之厚而報之薄歟
吳門巨藩神祠之載祀典者十數而報之薄歟
爲雄甚東漢永興二年郡守麋豹肇建於閭
門外吳越武肅王錢氏始內徙之肇建於閭
祐問太守履歷考前政若梅詢若范仲淹
若孫覺輩數公淫潦有祈靡不響答若列其
於朝詔號至德廟崇寧元祀守臣吳伯舉
請疏王爵有詔至德廟崇寧元祀守臣吳伯舉
燼厥後草創以直祕閣尹是府至今則訪及民
公於尚書郎以直祕閣尹是府至今則訪及民

利病以次罷行之其爲政寬嚴詳簡允蹈厥
中治人故事神罔不莫居乾道改元春二月
害於穡事民不莫居乾道改元春二月
躬齋祓走祠下而祈焉神顧饗之是歲麥以
有秋府從事請具牢醴以謝人公曰不是歲
然曷足甚報萬分一於是以邦人合詞而進曰
侯之施慶弗厚而願采材而治之曰公懼是神
怨也涓日協辰得夏餘高棟橐囊之助致昭告
乃鳩工斥少府之植觀之容成皆欣然有喜
甃櫛比墉一崇宏舊基植觀之容成皆欣然有
祀盡草而一新之觀以塞厥成皆欣然有喜
色民無老穉相扶攜以觀之容成皆欣然有喜
曰美哉輪焉誠足秋塞民望而報神施矣風
霽雨休禾則大熟以秋塞民望而報神施矣風
府下目覩所應爲不誣公屬幾紀其成幾就養
辭弗獲命若虛公之辱是終無以揚休事而
告後人也於平書左通議大夫充敷文閣

待制致仕曾幾記皮日休一廟爭祠兩讓君
幾千年後轉清芬當時盡解稱高義誰敢教
他莽草紛陸龜蒙故國城荒德未荒年年椒
奠溼中堂邇來父子爭天下不信人間有讓
王張詠至德本無名宣尼以此評能將天不
讓知有聖人生南國奔方遠西山道始亨英
靈豈不在千古暮江橫蔣堂泰伯何為者不
以身為身遜避天此位奔走句吳濱隱德照
來世遺祀傳斯民吁此廉讓國合生廉讓
龔頤正作迎享送神辭三章云翼翼兮新宮
蘭栢兮何殊於棄屣今復可高靈下隊君視
絃兮昔何人兮曷日忘弭于君來兮一席之
惠我吳人兮曷日忘弭于君來兮一席之
喜君來不來兮我忘食事君來兮一席之
舞兮堂下君來兮我忘食事君來兮一席之
尊鯽兮鮮兮亦肥君來兮我忘食事君來兮一
肯來兮尚盤從蘇我心熒熒兮其無端君不我

留兮下土囂煩福我吳人兮無疾與
患千秋萬歲兮歌至德以何言

吳王夫差廟今村落間有之舊廟無攷鑑誠錄

云世傳此廟拆姑蘇臺木剏成唐陳羽秀才

嘗題夫差廟時人謂之題破此廟陳羽姑蘇

木刻作夫差廟裏神幡蓋寂寥塵土滿不知
簫鼓樂何人張詠由來邪正是安危不信忠
良任伯誣自古家家有
容治何須亡國殫西施

伍員廟在胥口胥山之上蓋自負死後吳人即

立此廟乾道間復修之規製猶陋盤門裏又

有食廟即雙廟是也梁簡文帝立國資孝本
循忠全令名舟裏多奇

計蘆中復吐誠偃月交吳艦魚麗入楚兵九
功推妙算千載籍餘聲洪濤猶鼓怒靈廟尚
凌清行潦承椒奠宮懸雜鳳笙無勞晉后壁
詎用楚臣纓密樹臨寒水疎扉望遠城窻寒
野霧入衣帳積苔生惟有三育鳥斂翅時逢
迎張詠胥也應無憾至哉忠孝門生能酬楚
怨死報吳恩直氣海濤在片心江月存悠
悠當日者千載祗慙魂揚備出境鞭屍報父
離吳兵勇銳越兵憂忠魂怨
氣江雲在日見爐香煙上浮

南雙廟在盤門裏城之西隅二廟左英烈王伍
貞也右福順王隋陳果仁也果仁又稱武烈
帝或云五代初常潤尚屬淮南仁果廟在常
潤間錢氏得常潤遂移廟于蘇按吳志孫權

既稱尊號諡堅曰武烈皇帝帝號與仁果同
况堅墓西地記謂在城南二里許去盤門密
邇疑此廟恐是祠堅爾建中靖國中太守吳
伯舉重修是時蔡京自翰長罷過吳門爲作

記并書題

記曰庶慎東收守詔以左史吳公爲直

祕閣知蘇州公至暮歲政化大洽姦盜屏斥
牒訟疎簡民用康靖公曰噫嘻先成民而後
致力於神古之善經也今俗且治矣其錄境
內神祠廢壞者以公帑所餘畢修之使安定
休正無有崇厲爲吾民憂吏白城西西南隅有
舊廟二荒侈當完按圖經暨州縣版祝所稱
一爲永昌武大王一爲福順賢德王而邦人
由閭閻市井及學士大夫自昔相傳皆以爲

伍子胥廟歲時祭享甚盛雜然同辭莫可奪也或言故隋將陳果仁嘗以陰兵助錢氏伐淮寇有功錢氏崇報之請於梁朝封福順王又使諸郡皆為建廟則福順之號為果仁無疑至今永昌之稱杳邈不可稽考不知為何時人今邦人獨以子胥之類材填郭溢郭奔走相營繕協謀齊慮鳩工類材填郭溢郭奔走相屬惟恐其後故月不更朔而廟已告新今或稱號仍舊殆恐無以安子胥之靈而失邦人所完廟本意敢以爲請公曰然魯吳瀕海建國恃水作險內虞汎濫外關守禦鼃龜之與者而魚鼈之與居肇自子胥相土味水築置城郭實倉廩治兵庫闢門二塾以象風卦始能啓塞有時疏導無壅除昏塾蕩析之虞而存抱關擊析之警更祀幾百歷載踰千其城門號至今因之而不變是子胥嘗能以安物身也者皆顧小義卒而難管曰之不死蓋以爲至

吾父今日之死蓋以爲吾君由前足跡昭人之孝由後漢太處家著前史殊尤卓絕震暴耳目匹夫匹婦可與知及其久也宜胥化焉故後漢太處家無不孝屬城問風俗無所尚其忠之臣儻非漸漬餘風被服成俗疇能臻此哉是父子嘗能教吾民也既安之又能臻此哉是父子嘗能教吾孫綿綿聯聯以至今日厥德茂矣宜當假食此地而廟貌不立於城闕乃至斯民憑假不勉祭法曰法奉此殆疇管守職者之勤事則祀以祭崇敬奉此殆疇管守職者之勤事則祀福順雖有功則祀之非此族也弗敬慕蓋託子胥獲享不替而武氏名實鑒臨然堙滅無所考證使子胥不氏名實鑒臨然堙滅亦安敢正寧而饗也禮固號以嘉廟額而用請於天子奠正英烈之號以嘉廟額而用

春申君廟在子城內西南隅卽城隍神廟也

新廟

不承民志始或可乎武林元時敏曰好惡靡
常莫能自克惟民為然古之君子因民所好
之善而導之反民所好之非而禁之好惡得
正而其治成矣鄭人欲祀伯有而子產從而
焉鄴人欲祭河伯西門豹從而有禁焉二子豈
異意哉顧民好惡有當否也今吾民願祀子
胥甚勤是知有成功於善不可忘而忠孝之
也因而導之使成於善此所謂不嚴而治者
顧豈俗吏之神又足為耶今公一舉廢事而
於民安於神之又足為耶建中靖國元年十
二月

記云軒菴郡十有一月矣猥以薄材謬承
重寄歛自淮服半刺超為江南方伯郡領二
十地亘五千皇皇者華幾慙輝道兢兢其志
常誠飲冰周爰諮詢申命行事損以懲忿窒

欲益以改過遷善豺狼擁路埋輪以逐之騏
驥伏櫪不攬轡以寧日用寬猛相濟威恩兼
肅警疆土又寧日有閑別祈神仙獲歲豐稔
不暇給今也處有餘閑別祈神仙獲歲豐稔
乘公堂之宴縱靈廟之遊城不復隍樹先禁
伐闕人荒茲毀梁木無所摧乃喟然歎曰神
必依人楚威滅越考烈王繼立春申君登相
踐滅吳楚滅越考烈王繼立春申君登相
封江東之巨縣吳墟為大都專主威權救
國災患與趙魏為四公子招賓旅有無三
擠聘使之璫玳李園託客之珠履王歆然
方患之璫玳李園託客之珠履王歆然
遂祕之以獻王乃殂落子為君主母望之
人靡信母望之禍遂與天舍人其亡士常
棘門之下蒿里相催天舍人其亡士常
尹多居郢國假君讎守吳宮鳥焚其巢何笑
號之先後蛟沒其舳繫父子之沉埋夷盡其

家賊園之故使一朝冀將滅口千古猶為痛心
今邦牧所居使臣所理故宮之內故事備聞
於是大葺其側假君西廂視事上客東室坐
朱英配饗士唐方授戮僕夫閑駿辰位呈形
班李園死之魂更申如僕之敬家屬穆穆展
大雪父冤之肅肅振威名也巨木擁腫而皆
哀榮也儀衛而悉新總之門是謂神府宜
古小裁青葱而訛議於城隍之宮余固兼之
正名於黃相削訛議於城隍之宮余固兼之
吳伯之廟太史適楚壯楚相之宮余固兼之
言可則也神披新文紀之告之君宜密應祐之
之琢初余之躬披新文紀之告之君宜密應祐之
福蘇相為判官安喜尉李崗為支使同郡舊
曹精明深識異途新合歷落瓌材三人冀有
我師四壯慎行爾職欽刷往賢之恥歎垂後
昆之裕長史尚主臣餘慶佑嶽良能司士
楊彥琮每憂司存實稱佳吏預乎作廟翼翼

觀乎降神欣欣咸亦相因斯焉附出唐天寶
單闕歲除日中散大夫守吳郡太守兼江南
道採訪處置使柱
國天水趙居貞記

郁史君廟在太湖衝山中

聖姑廟在洞庭晉王彪二女相繼卒民以為靈

而祀之紀聞云唐人記洞庭山聖姑祠廟云

吳志姑姓李氏有道術能履水行其夫殺之

自死至唐中葉幾七百年顏貌如生儼然側

卧遠近祈禱者心至則能到廟心若不至風

迴其船無得達者今每一日沐浴為除爪甲

傳粧粉形質柔弱只如熟睡蓋得道者歟辨
疑志云唐大曆中吳郡太湖洞庭山中有昇
姑寺有昇姑廟其棺柩在廟中俗傳姑死已
數百年其貌如生遠近求賽歲獻衣服粧粉
不絕人有欲觀者其巫祕密不可云開卽有
風雨之變村閭敬事無敢竊窺者巫又云有
見者衣裝儼然一如生人有李七郎荒狂不
懼程法率奴客啓棺觀之唯朽骨髑髏而已
亦無風雨之變二說今皆無考姑存舊傳云

皮口休洛神有靈逸古廟臨空渚暴雨駁丹
青荒蘿繞梁栢野風旋芝蓋饑烏銜椒糈寂
寂落楓花時時鬪鼯鼠常云三五夕盡會妍
神侶月下留紫姑霜中召青女俄然響環珮
倏爾鳴機杼幾至有聞時香來無定處目瞭
如有待魂斷空無語雲雨竟不生留情在何
處陸龜蒙渺渺洞庭水盈盈芳嶼神因知古
佳麗不獨湘夫人流蘇蕩遙吹斜嶺生輕塵
蜀綵駁霞碎吳銷盤露勺可憐飛燕姿合是
乘鸞賓坐想雨煙夕兼之花草春空登油壁
車窈窕誰相親好贈玉條脫堪攜紫綸巾殷
勤撥香池重薦汀洲蘋明朝動蘭櫂不翅星
津河

靈祐廟卽慧感顯祐善利夫人廟在能仁寺內
夫人陸氏梁衛尉卿僧瓚之女僧瓚捨宅爲

寺夫人就居之是為重從去寺寺祀夫人為

伽藍神號聖姑元符元年郡大旱通判祝安

上攝郡禱而應以其事聞錫封慧感夫人郡

人奔湊致禱相與社而稷之闔境祠廟莫能

尚也其節次加封及始末靈感之跡具諸記

中碑陰記元符元年歲在戊寅夏吳中大旱

喝死負販之民皆捨其業而以售水自資涉

冬至二年春夏之交舟車益不通百貨湧貴

城中溝滄堙淤發為疫氣通判軍州事朝請

郎祝公適領郡事迺用故事早暮分禱于所

宜祀者一領郡承天寺客言此乃梁衛尉卿

陸僧瓚捨其第為之管號廣德重繼立寺陸

庶開寶中吳越忠懿王朝京師道出吳江大

風幾覆舟見女子拯之自言重繼立寺之敬

也本國加封號感應聖姑今里中事之甚

公聞即謁且言明日致禱既歸宿齋于廳事

舉家沐浴蔬食相約得雨而後復膳黎明躬

至祠下再拜而農事失時承連年之旱流亡疾

疹相乘而作農事失時承連年之旱流亡疾

獲戾不逃然將為國家之憂神其哀之能即

致雨尚甚不救也屏息聽命寺僧獻兆曰神告

卒吳人思襄之迎其喪葬于胥屏亭子孫遂家
焉伯元生襄貢令盱眙生本州從事本州從生鴻生
渤海太守建生令本州從事本州從生御史中
丞京兆尹璜生弘農都尉文生親生別駕
潁川太守尚書令閎生校尉桓生揚州別駕
續續生襄生吳城門尉生尚書生九江都
尉太學博士令濯生漢公尚書生瑁生穎
郡從事元之太尉與平康伯外散騎常侍
英從生晉侍中太尉書監侍中伯玩生五兵
尚書侍中始生祕書監侍中萬載生五兵
宋東陽太守子真卿生真生齊南兗州刺史惠
曉惠曉生梁太常卿生德名在史冊自興平
八世冠冕不紀皆卿生德名在史冊自興平
康伯至祕書監父兄弟五世內侍嘉祥積
慶挺生夫惟夫其人其生也精修正潔入清
淨海其歿也通于神明有以詔書刻于石將
廷報稱之禮甚厚既以詔書刻于石將求老

於文學之士為之記以傳不朽搢紳耆老且
請撫其槩於碑陰乃為之敘云戊嘗聞朝請
公元祐間以奉議郎知豪城雨暴濬沱河水
盛漂泛林木室廬蔽川而下水及城門雉堞
凜然將決老弱皇恐奔潰調急夫督水工雨
且不止人無所施其力公迺朝服涉濬立於
隄上鞠躬申禱水溢隄壞願以去身任責於
止公堅立不動以笏叩頭願以去身任責於
雨小止水波稍回河流遂復其所潰陷之地
明日復為平陸如故使者方欲言諸朝會公
秩滿請罷遂已方誠心格物如此是詳惟
公憂國愛民所至以誠心格物如秋是詳惟
也故附于左元符三年歲次庚辰秋
八月乙未朔十日甲辰布衣林戊記

天王堂在子城西北隅雖一小廟蓋古屋也建
炎狄難盈城宮室悉為煨燼惟郡南覺報小

寺以旁齒營幕所寓不及燬而此堂巋然獨存郡人至今敬之

吳郡志卷十二

終

風韻後季也晉許正
董刊于漫山微古闕

吳郡志卷十三

祠廟下

吳郡 范成大撰

包山廟在吳縣西南一百里

土山卜將軍廟在崑山縣頃於山下菜圃朱四家得斷碑云唐卜府君墓府君諱真碑字雖漫漶多闕文尚可辨然無將軍之號

三高祠在吳江縣垂虹橋南卽王氏臞庵之雪灘也昔堂在垂虹南圮極偏仄乾道三年縣

令趙伯虛徙之雪灘三高者范蠡張翰陸龜

蒙也此祠人境俱勝名聞天下祝鑑三高記

神乎君子見幾而作不以久居亡道之則後矣
是維成功之亂世不可久居亡道之則後矣
與久處兵亂之始危乎昔者越相范君既苦
知幾矣遲之其殆乎昔者越相范君既苦
身勦力與勾踐深謀踰二十年滅吳霸越用
復會稽之恥謂大功之下難久居莫知其返
國遽書謝夫王去之乘輕舟浮五湖莫知其
終極而大歲晉有張季鷹自吳入洛方時齊
七百有餘已君東曹掾君知其不終與
王專朝估已君東曹掾君知其不終與
獨處慨千歸無何問敗又後五百有懷託與
鱸促駕告歸無何問敗又後五百有懷託與
有陸魯望當咸通乾符世寇亂方殷隱身自
放扁舟蓬席脩然笠澤甫里間時號江湖散

人辟署無所從徵命無所答優游自終竟全
亂世如三先生可謂知幾君子哉雖地異時
殊默語不同然其去自全咸遂橫絕江均也
吳江邑地瀕帶具區舊有長橋橫絕如長虹
間脩檻浮空涵泳星日包山洞庭如在天外
巨浸浮樹滅沒煙際東西行以爲三吳遊觀
帆島樹好者又寫鴟夷子皮之像配以江東
之偉事者又寫鴟夷子皮之像配以江東
步兵甫里先生遊居也貞風素烈尚凜然湖
其平所遊居也貞風素烈尚凜然湖山可蓋
想聞而概見歲庚申秋七月悲歌望遠舉觴
與大梁人趙九齡置酒亭人而願之然舉觴
醜江慷慨言曰幾危卽安夫並世同交如大
反焉者何哉知幾者鮮也雖人而願之然舉
夫種功非不揆也或死憂而辱何乎識之居
子學非不揆也或死憂而辱何乎識之居成
亡道仕亂世龜勉良去奈何乎識之居成也
幾遠矣惟鴟夷子道大宏百世師仰而張

陸二子曰羸然山澤之臞像而配之幾不倫矣
豈不曰亟隱亟去身名俱全以是為同曰三
高云者豈異稱哉後之君高之風仰三高之耽
發機之禍忽忘不戒聞三高之始斯梁也其無
像庶少警乎不然而斯流也登斯橋之置於慶
媿乎後將有悔乎其無悔乎始橋之置於慶
曆歲中建安初載胡寇南牧并及祠宇火之
無餘後六年當紹興癸丑歲今吳郡楊君同
與今御史單父祝君師龍為邑尉蓋因其廢
址實荆而新之復立祠如故云謹記范成大
三高祠記乾道三年二月吳江縣新作三高
祠成三高者越上將軍二月吳江縣新作三高
皮晉大司馬東曹掾姓范氏是為江東步兵
唐贈右補闕陸氏又嘗一里先生三君生
不並世而鷓夷皮又嘗一里先生三君生
名顯而去之季鷹魯望蕭然用儒使有為於
當年其所成就固不可喻度要皆以得道見
微脫屣天刑清風峻節相望於松江太湖之

以上故天下同高之而吳江之丘云爾私邑大夫嘗
以夸於四方若曰此吾東家之獨得奉嘗
趙伯虛乃以故祠偪匿將改作鄉老且屬石
地雪灘乃築堂其上告遷而莫焉且屬石
湖范成大為之濱掉頭而弗顧人其能國乎
乃自放寂寞之濱掉頭而弗顧人其能國乎
為高此豈盛際之所願哉後之人高三君之
風而跡其所以去為世道計者可以高三君之
於豪傑之士或肆志乎軒冕宴安留連卒悔
於後者亦將有感於斯堂而賦大何足述
之然屈平既從彭咸而桂叢之賦猶招隱士
疑若隱處林薄不死倚楹而望水光浮蟬蛻
濁得全於天飄忽晦明意必往來其間雲
日下上風飄忽晦明意必往來其間雲
成亦何足見之姑效小山作歌三章以
招焉遂從而歌之曰若有人兮扁舟歌三章
兮遠遊衆芳媚兮高丘忽獨君兮扁舟歌三
風積兮浪波白蕩兮搖空明兮南極一色鏡萬

里兮鞭魚龍列星剡剡兮其下孤蓬眇顧懷
兮斯路與涼月兮入滄浦戰爭蝸角兮昨夢
一笑水雲得意兮垂虹兮復來載歌曰若有人
壽無期樂哉垂虹兮歸故鄉鴻冥飛兮白鷗
兮橫大江秋風起兮在下嗟人胡爲兮天地四
舞吳波鱗鱗兮吾之土膾脩鱸兮雪霏登菰蓴
方美無度兮仙續兮胥命君可望兮雪霏登菰蓴
倒景兮揮碧寥娛燕息兮江之臯棗蘋堂兮
廡杜若一杯之酒兮我爲君酌又歌曰若有
人兮北江之渚披雲而晞兮顧烟雨菊莎兮
杞棘歲晚兮終古千秋風露兮歸來故墟月明
羞三泉兮蒼石與語牛宮如兮生蒲荷湖西東
無入兮蒼石與語牛宮如兮生蒲荷湖西東
兮下田一波訪南涇兮鄰曲山川良是兮丘
壠多稼九畹兮今其刈聊春容兮茲里是歲
六月既望書遺邑人使習以侑祠伯虛請遂
以爲記程俱三高堂詩序蠡位越相祿萬鍾

去之如涕唾則後世角毛銖之得冒坎獲而
不省者可以少沮翰進退無必隨時而保身
則出處之意得託菰鱸以示好又何深哉龜
蒙江湖一匹夫然於其不合好執位無加也
其交如皮日休終見於其不合好執位無加也
峙無一釁可指擿與夫攫金挾炭之夫蓋萬
萬矣夫左手據圖籍右刃掠其吭雖冥憊不
爲也揣是而求之輕重得矣然世固有抱利
權逐勢位死而不反顧爲天下僇笑者幾何
哉其於輕重思是又出冥憊者之符也然
則江三子者祠而旌之可以訓元符二年
吳江僚佐拜而奠之某謂三月甲子安于祠
堂令僚佐拜而奠之某謂三月甲子安于祠
得守道自重確乎不可拔足以風百里而驅
天下者將矯浮俗而歸之庶幾清節之爲貴
無望之而未見抑有之而未聞邪今居是邑
仰三子之志意其知時而退不迷於出處之
道蓋君子之志所悅聞也凡我同志其系之以

詩李華鴟夷子皮贊龍蟠幽谷非時則伏蟬
蛻高枝飲露而飛進如風行退若雲歸冥冥
其幾赫赫其歸于粵霸興強吳蕩夷功成不
居先生傳之蘇軾書三賢畫詩誰將射御教
吳兒長笑申公為夏姬却遣姑蘇有麋鹿更
憐夫子得西施右范蠡浮世功勞食與眠季
鷹真得水中仙不須更說知幾早且為鱸魚
也自賢右張翰千首文章二頃田囊中未有
一錢看却因養得能言鴨驚
破王孫金彈丸右陸龜蒙

煥靈廟在常熟縣破山唐咸通中所建龍堂也

本朝政和二年賜今額五年加賜宣惠侯

龍堂
記禮山林川谷丘陵能生雲為風雨見怪物
皆曰神若然者龍亦能為風雨見怪物則其
澤之在民厚矣神而祀之又宜矣常熟澤國
也風雨怪物日作于民有在其地者苟祀之

至被其利祀之不至民受其禍汝南周君為
令之初年夏且旱祭其神于破山之上果雨
以應君曰受其賜徒祭以報不可也於是命
工以土木介其象為室以蔭之著之於典用
潔其祀於是風雨時怪物止水旱不為厲連
歲以穰其神之澤乎君之祀乎凡雩者春秋
之道皆書之勤民之祀也君為其祠已乞文
其事日休嘉其為志在民故從之咸通十三
年二月十九日前攝嶺南東道節度巡官試
祕書省校書郎皮日休記新建煥靈宣惠侯
廟記政和二年漕臺以常熟龍祠祈禱感應
之實聞于朝越明年制曰可宜賜煥靈廟為
額邑人以爵號未崇無以昭神貺後二年縣
以狀列于府府言于部刺史遂復保奏焉制
曰可特封宣惠侯於是縣大夫率佐官祇奉
休命宣于祠下而邑之士女雲集將退咸告
丞魯詹曰侯之廟宇君與縣大夫謀之侯之
封秩君與縣大夫請之今堂宇將畢而綸誥

適班盍記之以修其事惟侯之祠舊在破山
興福之澗上父老相傳其誕育之異肇自梁
武之初我宋龍興妙選守令為民師帥太平
興國中蔣侯文澤來宰是邑距天監幾五百
歲矣時積潦泛漲躬禱於侯不日移晷雲斂而
霽歲則大獲乃迎侯與聖母之像歸于頂山
壽聖之西偏是日白龍示見盤旋上彩雲
之瑞焜耀山間迄今又幾一有四十載矣
邑人乃相與作廟于山腰龍池之上侯之先
壟在焉經歷若廟之久始克成茲豈偶然哉
伴城峩峩方沼灩灩峰巒巒秀回抱如翼長
江浩蕩沃野曼衍左則福嶺狼巖右則虎丘
昆玉遙岑寸碧列岫橫翠雲煙之祥疑在仙
島氣象之偉實冠吳中觀侯之初以神力遷
葬而陰陽家流咸謂勝地今新廟奕奕實下
瞰焉庸詎知其非侯之意哉政和五年十一
月庚辰既望侯之告下十二月朔廟前後殿
成若門墉廊廡蓋將有待於來者焉政和五

年十一月日文林郎知平
江府常熟縣丞魯詹撰

東嶽廟在常熟縣福山鎮

重修嶽廟記維我宋

告功于天大修封禪禮泰山之神顯冊褒嘉
位號崇隆得非衛社稷福生靈運功烈於冥
冥之際宜有所報稱歟是故四方萬里不以
道塗為勞往奉祠事往往規模岱嶽立為別
廟多矣然未有盛於姑蘇之福山也福山廟
經始於至和之中垂六十年樓殿門廊并諸
從舍巍然而輪奐江淮閩粵水浮陸行者各
自其所有以效歲時來享之誠上祝天子萬
壽以類祈豐年以後保其家凡有求必禱焉
率幾千萬人不及之乎太山則之福山焉福
山臨江海巋焉鬱岡巒環回始亦勝地
父老云肇祀之日有幅畫乘潮水至乃嶽神
像也居民得之欽事而加信焉山初號覆釜

蓋因其形似後易名福山廟據其上遂爲遠
邇祈福之地豈偶然哉政和七年八月乙亥
鄉貢進士崑
山魏邦哲記

陽山靈濟廟在澄照寺傍白龍母廟也無碑碣
可攷有僧祖照者以父老相傳述其事於壁
云東晉隆安中山下居民繆氏家有女及笄
出行風雨暴至天地陡暗避於今所謂龍塘
之側俄有一白衣老人語女曰氏族爲誰居
何所女答姓繆指山之西曰我家舍于陽山
三峰之下家有父母老人曰天色如此吾無

所歸欲假館待旦而前可乎女曰當告父母
老人強之再三遂首肯語竟遽失老人所在
女歸有妊父母惡之逐出丐食鄰里明年三
月十八日至今所謂龍塚之上產一肉塊居
民怪之驚棄水中倏焉塊破化而爲龍夭矯
母前若有所告其母驚絕于地卽有風雨雷
電飛沙折木咫尺不辨人物之異旣開霽但
見白龍昇騰而去衆乃厚葬其母自後累降
巫語始祠之於山巔而雨暘失候祈禱必應

太平興國間建廟於山南曹巷熙寧九年遷于澄照寺之東隅建炎間主僧覺明復一新之相傳龍子分職瀟湘每歲是日必歸山間風雨淒冷人以為龍子誕日云過是山中方有春意其去也或變怪之狀見於雲間紹興十九年六月某日犇雲驟起于是山俄頃盲風驟雨大作龍自郡城過捲去女牆數百丈居人余氏家小亭吸入雲中及有負販者被吸復墮而無傷焉又云昔有白鬚老人至

鎮江江步買船自云後長沙來與船人錢十千先付五千餘錢約至蘇州陽山看親處還登舟卽令篙工悉睡日暮抵許市上舥去蓋已三百六十里矣舟人至山下尋覓值風雨大作避於廟中於像前得錢五千方悟神龍之歸乃以錢設僧供辭謝而去比歲祈龍母屢應大吏以聞紹興二十九年四月詔賜靈濟廟爲額乾道四年告下封顯應夫人靈濟廟在府東南舊五龍堂也淳熙十年秋大

旱郡守耿秉卽設廳作祈雨道場設行雨龍
王位於東西序有蜥蜴見於香案果飭之上
蜿蜒不去終日雲合秉以杯玆祈之若有靈
異已而大雨三日具以事聞詔賜靈濟廟爲
額

甫里廟甫里在長洲縣東南五十里鄉人祠陸
龜蒙於此至今不廢

黃姑廟在崑山縣東二十六里地名黃姑父老
相傳嘗有牽牛織女星精降焉女以金篋劃

河河水湧溢今村西有百沸河鄉人異之爲
立祠舊列牛女二像後人去牽牛獨祠織女
禱祈有應歲七夕鄉人醵集廟下占事無毫
釐差舊有廟記今亡之案荆楚歲時記牽牛
謂之河鼓後人訛爲黃姑然古樂府有云黃
姑織女時相見李太白詩黃姑與織女相去
不盈尺則指牽牛爲黃姑李後主詩乃云迢
迢牽牛星杳在河之陽粲粲黃姑女耿耿遙
相望又以織女爲黃姑事久愈訛矣

吳郡志卷十三終

鳳巖後亭
晉古閣
一

